

Polisi Risg Hinsawdd PPC (“Polisi”)

Cyflwyniad

- 1 Partneriaeth Pensiwnau Cymru ("Y Bartneriaeth") yw'r trefniant cronfeydd cyfun ar gyfer asedau wyth o gronfeydd Cynllun Pensiwn Llywodraeth Leol Cymru ("Awdurdodau Cyfansoddol").
- 2 Goruchwylir trefniadau buddsoddi PPC gan Gydbwyllgor Llywodraethu ("CBLI") ac fe'i cefnogir gan Weithgor Swyddogion ("GS") a'u gweithredu drwy Is-gronfeydd a reolir gan ei "Reolwyr Buddsoddi".
- 3 Mae'r Bartneriaeth yn cydnabod bod newid hinsawdd yn cynrychioli risg ariannol materol i'w rhan ddeiliaid, yr Awdurdodau Cyfansoddol. Mae gan newid hinsawdd y potensial i amharu ar systemau economaidd, ariannol a chymdeithasol.
- 4 Mae'r Bartneriaeth yn ymwybodol y gall newid hinsawdd olygu cam brisio asedau a chyfleoedd buddsoddi unigryw. Cred y Bartneriaeth y bydd glynu at bolisïau buddsoddi cyfrifol a strategaethau lliniaru risg hinsawdd yn golygu bod ei Hawdurdodau Cyfansoddol mewn lle da i adnabod a manteisio o'r cyfleoedd buddsoddi posib.
- 5 Ni wyddom beth fydd effaith bosib Newid yr Hinsawdd ar Awdurdodau Cyfansoddol y Bartneriaeth a'u rhan-ddeiliaid mewnol (Aelodau a Chyflogwyr y Cynllun), o gofio am yr ansicrwydd polisi ar effeithiau ffisegol na wyddom amdanynt a all ddod o Newid Hinsawdd. Mae'r risgiau i'r Awdurdodau Cyfansoddol (ACau) a gyfyd o newid hinsawdd yn cynnwys, ond ddim yn gyfyngedig i:
 - 5.1 Risgiau ffisegol: megis difrod i eiddo oherwydd llifogydd neu wlybaniaeth is yn achosi cynhaeaf gwael. Gall effaith o'r fath gael ei themlo yn uniongyrchol gan yr ACau neu drwy effaith ar ddychweliadau a gyflwynir i'r ACau drwy fuddsoddiadau yn Is-gronfeydd y Bartneriaeth;
 - 5.2 Risgiau Trawsnewid: sef y risgiau ariannol sy'n codi o newidiadau mewn polisi a thechnoleg i ymaddasu i economi carbon is a'r graddau mae'r rhain yn llifo drwodd i'r dychweliadau a gyflwynir i'r ACau drwy fuddsoddiadau yn Is-gronfeydd y Bartneriaeth.
 - 5.3 Risgiau atebolrwydd: sef y costau posib a gyfyd gan bartïon sydd wedi dioddef colled neu ddifrod oherwydd newid hinsawdd sy'n ceisio cael iawndal gan y rhai maent yn eu dal yn gyfrifol.
- 6 Mae'r polisi yma yn nodi dull y Bartneriaeth o ymdrin â gofynion yr Awdurdodau Cyfansoddol o ran risgiau sy'n gysylltiedig gyda'r hinsawdd a monitro'r risgiau hyn.
- 7 Bydd y polisi hwn yn cael ei adolygu gan y GS yn flynyddol, a phe bai'n rhaid, caiff newidiadau i'r polisi eu cynnig i'r CBLI a'u cytuno ganddynt. Fel rhan o broses yr adolygiad blynyddol bydd y Bartneriaeth yn rhoi ystyriaeth i'r risg sy'n esblygu i'r Awdurdodau Cyfansoddol a hefyd i'w gofynion.
- 8 Bydd y polisi hwn yn ystyried Rheoliadau Cynllun Pensiwn Llywodraeth Leol (Rheoli a Buddsoddi Cronfeydd) 2016 ac unrhyw ganllawiau perthnasol a ddarperir gan y Bwrdd Cyngori Cynllun, yr Adran Codi'r Gwastad, Tai a Chymunedau a'r Panel Rhynglywodraethol ar Newid Hinsawdd. Bydd y polisi yn nodi canllaw Llywodraeth Cymru a Deddf Llesiant Cenedlaethau'r Dyfodol (Cymru) 2015.
- 9 Wrth gynnal a gweithredu ar y polisi yma, bydd gan y Bartneriaeth ddeialog barhaus gyda ei Gweithredwr, Rheolwyr Busnes, Darparwr Pleidleisio ac Ymgysylltu a'r Ymgynghorydd Trosolwg. Bydd y Bartneriaeth hefyd yn ceisio mewnbwn gan drydydd partïon lle fo'n briodol.

Credoau

- 10 Mae gan y Bartneriaeth set o gredoau sy'n gysylltiedig â'r hinsawdd, sy'n greiddiol i'w dull o ymdrin gyda'r risg posib a gyfyd o newid hinsawdd, a'r datrysiadau buddsoddi mae yn eu darparu i'r Awdurdodau Cyfansoddol i hwyluso rheolaeth o'u risgiau sy'n ymwneud â'r hinsawdd. Mae credoau'r Bartneriaeth fel a ganlyn:
- 10.1 Mae risgiau sy'n ymwneud â'r hinsawdd yn systemig o ran eu natur, gyda'r potensial i effeithio i raddau amrywiol ar y dychweliad buddsoddi o'r holl ddsbarthiadau ased a sectorau. Gall effaith o'r fath fod yn bositif neu'n negyddol.
- 10.2 Mae gwell dealltwriaeth o risgiau sy'n ymwneud â'r hinsawdd, ynghyd ag ymrwymadau y llywodraeth, yn debygol o sbarduno trawsnewidiad carbon isel fydd yn cyflwyno amryw o gyfleoedd buddsoddi cryf i fuddsoddwyr, fel Awdurdodau Cyfansoddol y Bartneriaeth, sydd yn wybodus iawn ar faterion Risg Hinsawdd ac yn gallu rheoli a lliniaru risg trawsnewidiad.
- 10.3 Mae'n ddyletswydd ar y Bartneriaeth i adnabod ffynonellau posib o risgiau sy'n ymwneud â'r hinsawdd wrth ddatblygu unrhyw is-gronfa a/neu gaffael unrhyw wasanaeth gan ddarparwyr, ble fo angen, yn ceisio sicrhau bod risgiau o'r fath yn cael eu rheoli yn briodol a'u cyfathrebu i'r rhan-ddeiliaid.
- 10.4 Mae'r Bartneriaeth wedi penodi Darparwr Pleidleisio ac Ymgysylltu arbenigol i ymgysylltu yn uniongyrchol gyda chwmnïau sy'n buddsoddi ar ystod o faterion, yn cynnwys risg hinsawdd, datgeliadau risg hinsawdd a chynlluniau pontio i wella gwerth hirdymor buddsoddiadau yr Awdurdodau Cyfansoddol yn y Bartneriaeth.
- 10.5 Fel rhan o'i rôl, mae Darparwr Pleidleisio ac Ymgysylltu y Bartneriaeth yn cydweithio gyda pherchnogion asedau eraill i uchafu effeithiolrwydd gweithgareddau ymgysylltu y Bartneriaeth. Cred y Bartneriaeth bod cydweithio gyda pherchnogion asedau eraill a'i rheolwyr buddsoddi yn gallu bod yn ddull effeithiol i chwyddo ei llais gyda chwmnïau sy'n buddsoddi a chodi ymwybyddiaeth o faterion sy'n ymwneud â'r hinsawdd.

Amcanion

- 11 Amcan y Bartneriaeth wrth baratoi a gweithredu'r polisi hwn yw:
- 11.1 dangos i'w rhan-ddeiliaid fod y Bartneriaeth yn rhoi ystyriaeth i newid hinsawdd a'r risg sy'n ymwneud â'r hinsawdd;
- 11.2 amlinellu yn glir ei rôl a'i chyfrifoldebau o ran cynnal ymgynghoriad parhaus gyda'r Awdurdodau Cyfansoddol a hwyluso cynigiad buddsoddiad fydd yn galluogi bob Awdurdod i weithredu eu polisi risg hinsawdd eu hunain a thargedau sy'n ymwneud â'r hinsawdd a'r uchelgeisiau; ac
- 11.3 yn ffurfiol amlinellu'r camau gweithredu y bydd y Bartneriaeth yn cael eu dal i gyfrif amdanynt gan ei rhan-ddeiliaid.
- 12 Mae'r Awdurdodau Cyfansoddol yn gyfrifol am eu strategaeth fuddsoddi eu hunain, yn cynnwys eu Polisi Newid Hinsawdd / Risg eu hunain. Nid yw'r Bartneriaeth yn rhan o'r gwaith o lunio yr amcanion newid hinsawdd neu'r ymrwymadau mae bob Awdurdod Cyfansoddol wedi eu gwneud ar lefel leol, ac ni fydd yn ceisio dylanwadu arnynt.
- 13 Rôl y Bartneriaeth yw ymgynghori gyda phob Awdurdod Cyfansoddol mewn perthynas â'u hamcanion hinsawdd, bob blwyddyn o leiaf, ac i lawn ddeall pa ddatrysiadau gweithredu maent eu hangen i gwrdd gyda'u hamcanion a'u hymrwymadau.

- 14 Yn dilyn ymgynghori gyda phob Awdurdod Cyfansoddol bydd y Bartneriaeth yn ceisio datblygu a hwyluso datrysiadau buddsoddi sy'n galluogi pob Awdurdod Cyfansoddol i gyflawni eu hamcanion ac ymrwymadau hinsawdd.
- 15 Ble fo'n bosib bydd y Bartneriaeth, a'i Hawdurdodau Cyfansoddol, yn ceisio cydweithio gyda'i gilydd i ddatblygu datrysiadau buddsoddi sy'n cwrdd ag amcanion ac ymrwymadau hinsawdd yr holl Awdurdodau Cyfansoddol.
- 16 Os na ellir datblygu datrysiadau unedig sydd ar yr un pryd yn cwrdd ag amcanion a gofynion yr holl Awdurdodau Cyfansoddol, bydd y Bartneriaeth yn gweithio gydag unrhyw Awdurdod Cyfansoddol i ddatblygu datrysiadau buddsoddi wedi eu teilwra i'w galluogi i gyflawni eu hamcanion a'u gofynion lleol eu hunain.
- 17 Mae'r Awdurdodau Cyfansoddol yn ymwybodol y gall fod costau ychwanegol, neu arbedion ffi gostyngol, yn gysylltiedig â gwaith y Bartneriaeth o hwyluso'r datrysiadau buddsoddi hyn sydd wedi' teilwra ac maent wedi dangos eu parodrwydd i ysgwyddo'r costau i sicrhau eu bod yn gallu cwrdd â'u hamcanion a'u gofynion lleol.
- 18 Bob blwyddyn bydd y Bartneriaeth yn asesu os yw ei hymarfer ymgynghori gyda'r Awdurdodau Cyfansoddol wedi adnabod amcan cyffredin sy'n gysylltiedig â'r hinsawdd y mae'r holl Awdurdodau Cyfansoddol yn barod i'w gefnogi. Os oes cefnogaeth unfrydol, gan wyth Awdurdod Cyfansoddol Cymru, bydd y Bartneriaeth yn ceisio mabwysiadu'r amcanion hyn sy'n ymwneud â'r hinsawdd fel 'Nod Hinsawdd' y Bartneriaeth gan eu hymgorffori ar draws holl Is-gronfeydd y Bartneriaeth.
- 19 Caiff Nod Hinsawdd y Bartneriaeth ei adolygu yn rheolaidd, yn dilyn ymgynghori gyda'r Awdurdodau Cyfansoddol, a bydd bob amser yn cael ei yrru gan ofynion ac amcanion torfol yr Awdurdodau Cyfansoddol. Os yw ymarfer ymgynghorol y Bartneriaeth gyda'r Awdurdodau Cyfansoddol yn methu adnabod amcan cyffredin sy'n gysylltiedig â'r hinsawdd mae'r holl Awdurdodau Cyfansoddol yn barod i'w cefnogi yn unfrydol, yna ni fydd Nod Hinsawdd i'r Bartneriaeth yn cael ei lunio tan fo cefnogaeth unfrydol i Nod Hinsawdd penodol.

Strategaeth

- 20 Mae'r Bartneriaeth yn cydnabod bod gan yr holl asedau beth lefel o fod yn agored i risgiau yn ymwneud â'r hinsawdd, yn enwedig risgiau trosglwyddo, ond bod y sector, daearyddiaeth, ansicrwydd polisi ac amserlenni buddsoddi yn benderfynyddion allweddol o fod yn agored i risg hinsawdd.
- 21 O gydnabod ei threfniadau buddsoddi a'r cynigion presennol, bydd y Bartneriaeth yn canolbwyntio yn syth ar fod yn agored i risg yn ymwneud â'r hinsawdd yn ei daliadau ecwiti ac incwm sefydlog. Er hynny, bydd y Bartneriaeth yn ystyried risgiau sy'n ymwneud â'r amgylchedd mewn dosbarthiadau ased eraill pan fo amgylchiadau yn caniatáu neu angen iddi wneud hynny. Bydd y Bartneriaeth yn ceisio darparu datrysiadau risg hinsawdd ar draws ei holl is-gronfeydd gan gynnwys asedau'r farchnad breifat.
- 22 Mae'r Bartneriaeth yn cydnabod pwysigrwydd monitro eu hamlygiad i risgiau sy'n ymwneud â'r hinsawdd mewn gwahanol ffordd. Un ffordd mae'r Bartneriaeth yn hwyluso hyn yw drwy fonitro'r risg y mae bob un o'r is-gronfeydd yn ei wynebu i sicrhau y bydd gan yr Awdurdodau Cyfansoddol yr holl wybodaeth wrth law. Mae'r Bartneriaeth yn derbyn Adroddiadau Monitro Risg Hinsawdd rheolaidd ar gyfer yr is-gronfeydd Ecwiti a'r is-gronfeydd Incwm Sefydlog. ac mae'n bwriadu ymestyn y dull yma o adrodd ar gyfer ei His-gronfeydd Incwm Sefydlog. Bydd y Bartneriaeth yn parhau i chwilio ac ymchwilio i ddatblygiadau'r farchnad fydd yn gwella ei gallu i asesu bod yn agored i risg hinsawdd yn ei His-Gronfeydd.
- 23 Mae'r Bartneriaeth yn cydnabod rhinweddau ymgymryd â dadansoddiad senario ar effaith economaidd bosib y risgiau sy'n ymwneud â'r hinsawdd a chyfleu canfyddiadau'r dadansoddiad dywededig i'r Awdurdodau Cyfansoddol. Er hynny, mae'r WPP yn nodi bod hwn yn faes sy'n esblygu a bod dadansoddiad o'r fath yn ei fabandod. Bydd y Bartneriaeth yn parhau i hwyluso dadansoddiad senario

hinsawdd ar draws asedau gaiff eu dal gan y Bartneriaeth i sicrhau bod yr Awdurdodau Cyfansoddol yn ymwybodol o'r risgiau hinsawdd posib yn Is-gronfeydd y Bartneriaeth.

- 24 Mae'r Bartneriaeth yn cydnabod bod hyfforddiant ac addysg yn hanfodol i gyflawni deilliannau da i'r rhan-ddeiliaid a bydd yn dyrannu adnoddau i sicrhau ei bod yn ymgymryd â hyfforddiant ac addysg rheolaidd ar risg hinsawdd. Mae'r Bartneriaeth wedi ymrwmo i gynnal o leiaf un sesiwn hyfforddi flynyddol yn ymwneud â'r risg ar gyfer ei rhan-ddeiliaid. Mae'r Bartneriaeth yn cynnal ymarfer adnabod anghenion hyfforddi blynyddol, ar y cyd â'r Awdurdodau Cyfansoddol, mae hwn yn feganwaith y defnyddia'r Bartneriaeth i fesur gofynion hyfforddiant risg hinsawdd ei rhan-ddeiliaid.

Gweithredu

- 25 Gellir gweld dull y Bartneriaeth i ddewis rheolwr yn y Polisi Buddsoddi Cyfrifol. Mae gan Reolwyr Buddsoddi is-gronfa'r Bartneriaeth gyfrifoldeb dirprwyedig i herio rheolwyr ar eu dull o ystyried risg hinsawdd fel rhan o'i broses o ddewis rheolwr.
- 26 Mae'r Bartneriaeth yn disgwyl i'w Rheolwyr Buddsoddi sicrhau bod yr holl reolwyr gweithredol gwaelodol yn integreiddio ystyriaeth risgiau sy'n ymwneud â hinsawdd i'w proses fuddsoddi ac i herio rheolwyr gwaelodol yn rheolaidd i roi tystiolaeth am eu dull.
- 27 Bydd y Bartneriaeth yn gweithio gyda ei Rheolwyr Buddsoddi i sicrhau eu bod yn rhoi cyfrif am ac yn integreiddio risgiau sy'n ymwneud â'r hinsawdd yn eu prosesau buddsoddi. Mae'r Bartneriaeth yn ystyried bod rheolaeth effeithiol o'r risgiau sy'n ymwneud â'r hinsawdd yn feini prawf allweddol ym mhenodiad unrhyw Reolwr Buddsoddi ac yn deall y bydd gan pob Rheolwr Buddsoddi ei fodd ei hun o integreiddio risg sy'n ymwneud â'r hinsawdd yn eu proses fuddsoddi. Bydd y Bartneriaeth, o leiaf yn flynyddol, yn adolygu bob un o ddulliau ei Rheolwyr Buddsoddi tuag at integreiddio Risg Hinsawdd.
- 28 Gellir gweld strategaeth stiwardiaeth y Bartneriaeth yn y Polisi Buddsoddi Cyfrifol. Drwy ei Darparwr Pleidleisio ac Ymgysylltu, bydd y Bartneriaeth yn pwysleisio pwysigrwydd risgiau sy'n ymwneud â'r hinsawdd. Yn benodol, bydd y Bartneriaeth yn annog ei Darparwr Pleidleisio ac Ymgysylltu i ymgysylltu â chwmnïau sy'n buddsoddi am faterion sy'n ymwneud â'r hinsawdd, yn cynnwys cynnydd yn y datgeliad ar risgiau sy'n ymwneud â'r hinsawdd gan gwmnïau i fuddsoddwyr ac ar lunio cynlluniau trosglwyddo sy'n alinio â nodau Cytundeb Paris.
- 29 Mae gan y Bartneriaeth Bolisi Pleidleisio a chyfres o Themau Stiwardiaeth yn eu lle fydd yn amlinellu sut y bydd yn defnyddio ei hawliau pleidleisio a gweithgareddau ymgysylltu i ddylanwadu ar gwmnïau sy'n buddsoddi. Darparwr Pleidleisio ac Ymgysylltu y Bartneriaeth sydd yn gyfrifol am weithredu'r polisïau hyn ar ran y Bartneriaeth.

Monitro ac adrodd

- 30 Mae'r Bartneriaeth yn monitro risgiau sy'n ymwneud â'r hinsawdd o fewn ei his-gronfeydd ecwiti yn chwarterol. Mae'r metricsau gaiff eu monitro yn cynnwys, ond ddim yn gyfyngedig i, bod yn agored i gynhyrchwyr tanwydd ffosil, allyriadau carbon a dwysedd carbon cyffredinol. Bydd y Bartneriaeth yn monitro newidiadau yn arferion y farchnad i sicrhau ei bod yn llwyr ymwybodol o newid mewn arfer gorau a'r posibilrwydd o fonitro risg sy'n ymwneud â'r hinsawdd o fewn ei his-gronfeydd di-ecwiti, o leiaf yn flynyddol.
- 31 Yn ychwanegol at ei gwaith adrodd, bydd y Bartneriaeth angen i'r Rheolwyr Buddsoddi i ddarparu monitro ar fod yn agored i risg sy'n ymwneud â'r hinsawdd yn eu hadroddiadau chwarterol i'r Bartneriaeth a'r Awdurdodau Cyfansoddol. Fel y nodwyd uchod, bydd y Bartneriaeth yn disgwyl i'w Rheolwyr Buddsoddi ecwiti ac incwm sefydlog ddarparu'r monitro hwn, gyda'r disgwyliad y bydd ei Reolwyr Buddsoddi amgen yn darparu'r wybodaeth hon cyn gynted ag y bydd yr is-gronfa'n lansio a datblygiadau'r farchnad yn caniatáu.

- 32 Darparwr Pleidleisio ac Ymgysylltu y Bartneriaeth sy'n gyfrifol am lunio'r adroddiadau chwarterol a blynyddol ar weithgareddau pleidleisio ac ymgysylltu'r Bartneriaeth. Mae'r adroddiadau hyn yn dystiolaeth o sut mae'r Bartneriaeth wedi defnyddio ymgysylltu a phleidleisio i reoli ei risg sy'n ymwneud â'r hinsawdd.
- 33 Bydd y Bartneriaeth yn adrodd yn unol â gofynion y Taskforce for Climate-related Financial Disclosures (TCFD), fel rhan o unrhyw ofynion rheolaidd, gan gynnwys adroddiad ar y camau a gymerwyd i gyflawni'r polisi hwn a bydd yn cefnogi'r Awdurdodau Cyfansoddol gyda'u hadrodd TCFD eu hunain.

Tryloywder

- 34 Drwy ei Darparwr Pleidleisio ac Ymgysylltu a'r Rheolwr Buddsoddi, bydd y Bartneriaeth yn annog pob cwmni sy'n buddsoddi i ddatgelu yn unol â gofynion y Tasglu ar gyfer Datgeliadau Ariannol sy'n ymwneud â Hinsawdd.

Gorffennaf 2023